



Uunga Inatsisartunut ilaasortaq  
Gerth Mikaelson  
Naleraq

01-07-2025  
Sags nr. 2025 - 13881  
Akt. id. 25500277

Postboks 260  
3900 Nuuk  
Tlf. (+299) 34 50 00  
Fax (+299) 34 63 64  
E-mail: isn@nanoq.gl  
www.naalakkersuisut.gl

**§ 37 naapertorlugu apequt nr. 074-2025 – mut Tasiilami suliffissaaleqisut pillugit apequtitut aammalu Naalakkersuisut sunik pilersaaruteqarneranut tunngatillugu apequtitut akissut.**

Asasara Gerth Mikaelson.

Inatsisartut suleriaasianni § 37, imm. 1 naapertorlugu Tasiilami suliffissaaleqineq pillugu Naalakkersuisunut apequtitut nassiuussivutit.

Qujanaq apequtitut nassiuussarnut. Tasiilami suliffissaaleqineq aammalu suliffissaaleqinerup kinguneranik Tasiilami innuttaasunut inuunermut sunniutigisinnaasai pillugit apequteqaateqarnerit isumaqartorjuuvoq. Apequtit tunngavigalugit akissutit ataani atuarneqarsinnaapput.

**1. Tasiilami suliffissaaleqineq 11% tikillugu suliffissaaleqineq Naalakkersuisuniit qanoq ilillugu appartinniarneqarpa?**

Akissut:

Ukiuni qulikkaani suliffissaaleqineq Kalaallit Nunaanni appariartuinnavissimavoq. Sumiiffinni isorliunerusuni aammalu Tasiilami suliffissaaleqinerup inissisimanera aalakkaasuusarpoq, tassa sumiiffinni pineqartuni suliffissanik ataavartunik amigaateqarneq pissutaalluni suliffissaaleqisut nalunaarsortittartut kisitsisaat allannguuteqarpiarsimanani.

Kommuunit inatsisitigut suliffissaaleqisunik sulisitsiniaanissaminut pisussaaffeqarput, suliffissaaleqisunik sulisitsiniartarneq pillugu inatsisartut peqqussutaat nr. 14, 2001-imeersoq malillugu.

Ilanngullugu eqqaaneqassaaq sumiiffinni Majoriaq ataavartumik aqutissiuussinermik ingerlatsilluni, sumiiffinni suliffissanik aammalu ilinnialersussanik sullissiviummat, taamaalilluni aamma suliffissaaleqisunut suliniutit namminerisamik ingerlassinnaallugit.

**2. Nallukattat ilaasa aningaasarsiorfittut isigiinaligaat Naalakkersuisuniit qanoq iliuuseqarfiginiarneqarpa?**

Akissut:



Innuttaasut aningaasanoorajunnermut pinngitsuuisinnaajunnaarlutik ajornartosiuteqalersimasunut Allorfimmi katsorsarneqarnissamut neqeroorfigineqartarput. Allorfimmi sulisut katsorsaaneq sorleq innuttaasumut naleqquttoq malillugu neqeroortarput. Innuttaasut akeqanngitsumik aammalu pisariaqartitsineq malillugu Allorfimmut saaffiginninnissaminut periarfissaqarput. Katsorsaaneq internetti imaluunniit oqarasuaat atorlugu aamma periarfissaavoq innuttaasunit toqqarneqarsinnaasoq. Allorfik kommuunikkaartumik pilersinneqarnikuuvoq. Allorfimmi sullissisut aamma piareersimasarput sumiiffinnut ornigullutik katsorsaanissaminut. Periarfissat ilagivaat Nuummi katsorsaavik ornillugu katsorsartinneq.

### 3. Suut suliffissat nutaat ujartorneqarniarpat?

Akissut:

Naalakkersuisut akisussaaffigaat aammalu sulisarlutik inuussutissarsiuteqarnikkut namminersortut nunatsinni allanngujaatsunik, erseqqarissunik pitsaanerusunillu tunngaveqalernissaat anguniarlugu. Tamatuma kingorna inuussutissarsiuteqarnikkut namminersortut ineriartorsinnaapput, suliffinnik pilersitsisinnaallutik aammalu suliffinnik ineriartortitsisinnaallutik najukkami, nunap ilaani aammalu nuna tamakkerlugu.

Naalakkersuisut suliffissanik nutaanik pilersitsinissaminut pisussaaffeqanngillat, taamaattorli sumiiffinni suliffeqarnermut siunnersuisooqatigiit, kommunimit namminersortunit, SIP-mit (Sulinermik Inuussutissarsiorut Peqatigiiffii) allanillu peqataaffigineqartut malillugit sumiiffimmi suliffissat pillugit isummersoqatigiissinnaapput.

Tamanna isumassarsiat ineriartortinneqarnerannut aammalu pilersaarusiornermi ikiuutaasinnaavoq, sumiiffinni innuttaasunut suliffissaqarnerup annertusarnissaa siunertarlugu. Tamanna sulineq imminut akilersinnaaneranut pilersitsisinnaavoq.

### 4. Inuusuttuaqqat, inuusutullu sunngiffimminni aserortersarneri takussaaqqilerput, qanoq ilillugu tamanna ingalatsissimaniarneqarniarpa naalakkersuisuniit?

Akissut:

Meeqqanut inuusuttunullu tunngasut aammalu sunngiffimmi sammisassaqaartitsinermut tunngasut kommuunit namminneq susassaqaqfigisarpaat. Sumiiffinni pinaveersaartitsinermut ataatsimiititaliat akisussaaffigivaat sumiiffimmi pinaveersaartitsinermut aammalu peqqinnissamut tunngatillugu sullissinerup kommuunimi nukittorsarnissaa. Kalaallit Nunaanni illoqarfiit tamangajammik pinaveersaartitsinermut ataatsimiititaliaqarput aamma Tasiilaq.

Pinaveersaartitsinermut ataatsimiititaliaq, suliat akimorlugit suleqatigiittussaapput. Pinaveersaartitsinermut ataatsimiititaliamut peqataasussatut ukua aallartitaqartarput; Kommune, atuarfeqarneq, politiit aammalu peqqinnissaqarfik.

Naalakkersuisut nuna tamakkerlugu inatsisitigut sinaakkutit pillugit taamaallaat akissuteqarsinnaasut oqaatigineqassaaq.

### 5. Sammisassanik allanik ujaasisoqarniarpa?

Akissut:

Sammisassaqaartitsinermut tunngasut kommuunit susassaqaqfigimmasuk, Naalakkersuisut uunga akissutissaqanngillat.

Inussiarnersumik inuulluaqqusillunga

Bentiarq Ottosen